



**ხელშეკრულება სახელმწიფო შესყიდვის შესახებ N172
ელექტრონული ტენდერი NAT230024923**

ქ. თბილისი

21 დეკემბერი, 2023 წელი

ერთი მხრივ, საქართველოს მთავრობის ადმინისტრაცია, წარმოდგენილი საქართველოს მთავრობის ადმინისტრაციის უფროსის რევაზ ჯაფელიძის სახით (შემდგომში „შემსყიდველი“) და მეორე მხრივ, შპს „ორიენტ ლოჯიკ“ წარმოდგენილი დირექტორის ვაჟა ნასყიდაშვილის სახით (შემდგომში „მიმწოდებელი“) „სახელმწიფო შესყიდვების შესახებ“ საქართველოს კანონის, „ელექტრონული ტენდერის ჩატარების წესის დამტკიცების შესახებ“ სახელმწიფო შესყიდვების სააგენტოს თავმჯდომარის 2017 წლის 14 ივნისის N12 ბრძანებით დამტკიცებული წესის 33-ე მუხლის და ელექტრონული ტენდერის აუქციონის გარეშე (NAT230024923) საფუძველზე ვდებთ ხელშეკრულებას შემდეგზე:

1. ხელშეკრულების საგანი

1.1. ხელშეკრულების საგანს წარმოადგენს საქართველოს მთავრობის ადმინისტრაციის საჭიროებისათვის 3 ერთეული უწყვეტი კვების წყაროს RIELLO UPS MST 125 მომსახურების შესყიდვა (CPV50500000 - ტუმბოების, სარკველების, ონკანებისა და ლითონის კონტინერების, ასევე, მანქანა-დანადგარების შეკეთება და ტექნიკური მომსახურება).

2. შესყიდვის ობიექტი

2.1. ხელშეკრულების საგანია საქართველოს მთავრობის ადმინისტრაციის საჭიროებისთვის 3 ერთეული უწყვეტი კვების წყაროს მომსახურება, რომელიც მოიცავს:

2.1.1 1. UPS-(ებ)ის ვიზუალური დათვალიერება (გარე და შიდა მდგომარეობის შემოწმება):

ა) ვენტilatორების მუშაობის შემოწმება;

ბ) პლატების, ბლოკების, კვანძების და სხვა კომპონენტების შემოწმება.

2. მტვრისგან გასუფთავება (გასუფთავების პროცედურის ორგანიზება-განხორციელება).

3. ხდომილებების ჟურნალის ჩანაწერების შემოწმება.

4. პროგრამული უზრუნველყოფის ვერსიის შემოწმება და საჭიროების შემთხვევაში, განახლება (დაგეგმვა-განხორციელება);

5. UPS-(ებ)ის რეჟიმების შემოწმება (არსებობს დატვირთვაზე კვების შეწყვეტის რისკი):

ა) აკუმულატორებზე მუშაობის რეჟიმი;

ბ) ელექტრონული ბაიპასის რეჟიმში მუშაობის რეჟიმი;

გ) სტატიკური ბაიპასის რეჟიმი (როგორც წესი, არ მოწოდება პარალელურად ჩართულ ერთეულებზე);

დ) ნორმალურ რეჟიმი;

ე) UPS-(ებ)ის ქსელის დაკარგვაზე რეაქციის საკონტროლო შემოწმება.

6. UPS-(ებ)ის შემაჯალი და გამავალი პარამეტრების შემოწმება:

ა) შემაჯალი

• ძაბვა

• ძაბვის სიხშირე

• დენი ძალა

ბ) გამომავალი

• ძაბვა

• დენის ძალა

• სიხშირე

7. აკუმულატორების წესიერობის შემოწმება:

ა) ვიზუალური დათვალიერებით;

ბ) აკუმულატორებზე (თითო ან სამ-სამზე) ძაბვის შემოწმებით (სტელაჟებზე განთავსებული აკუმულატორების შემთხვევაში);

გ) ავტონომიური მუშაობის დროის შეფასებით მომხმარებლის ნომინალურ დატვირთვაზე განმუხტვით (რომლის განმავლობაშიც ელინდება აკუმულატორების რეალური დარჩენილი ტევადობა).

8. ტექნიკური ანგარიშის შედგენა დამკვეთისთვის.

9. ზემოთ აღნიშნული ტექნიკური შემოწმებები უნდა განხორციელდეს კვარტალში ერთხელ.

2.2. ხელშეკრულების ობიექტის - უწყვეტი კვების წყაროს მომსახურების პირობები, განისაზღვრება დანართი N1 - ის შესაბამისად, რომელიც თან ერთვის ხელშეკრულებას და წარმოადგენს მის განუყოფელ ნაწილს.

3. ხელშეკრულების საერთო ღირებულება

3.1. შესყიდვის ობიექტის (მომსახურების) ფასი განისაზღვრება ეროვნული ვალუტით, ლარით.

3.2. ხელშეკრულების საერთო ღირებულება შეადგენს არაუმეტეს 9 880.00 (ცხრა ათას რვაას ოთხმოცი ლარი და 00 თეთრი) ლარს საქართველოს კანონმდებლობით გათვალისწინებული ყველა შესაბამისი მოსაკრებლის და გადასახადის ჩათვლით.

3.2.1. ხელშეკრულების ობიექტის ერთეულის და საერთო ფასი განისაზღვრება დანართი N1-ის შესაბამისად, რომელიც თან ერთვის ხელშეკრულებას და წარმოადგენს მის განუყოფელ ნაწილს.

4. შესყიდვის ობიექტის ხარისხი და გარანტია

4.1. მიმწოდებელი იძლევა გარანტიას, რომ გაწეული მომსახურება იქნება მაღალი ხარისხის, უპასუხებს დანართი N1 განსაზღვრულ პირობებს და დააკმაყოფილებს შემსყიდველის მიერ განსაზღვრულ მოთხოვნებს.



4.2. მიმწოდებელი ვალდებულია, შეტყობინების მიღებისთანავე განახორციელოს უხარისხოდ გაწეული მომსახურების გამოსწორება შემსყიდველის მხრიდან რაიმე დამატებითი დანახარჯების გაწევის გარეშე.

5. შესყიდვის ობიექტის მიწოდების ვადები, ადგილი და პირობები

5.1. ხელშეკრულებით განსაზღვრული მომსახურების გაწევის ვადა განისაზღვრება 2024 წლის 01 იანვრიდან 2024 წლის 31 დეკემბრის ჩათვლით.

5.2. ხელშეკრულებით განსაზღვრული მომსახურების გაწევის ადგილია: ქ. თბილისი, პ. ინგოროყვას ქ. N7.

5.3. მიმწოდებელი მომსახურების გაწევას უზრუნველყოფს დანართ N1-ში წარმოდგენილი ტექნიკური დავალების თანახმად;

5.4. ხელშეკრულების თანმდევი დანართი - დანართი N1, წარმოადგენს ხელშეკრულების განუყოფელ ნაწილს იმ სხვა დანარჩენ პირობებთან ერთად, რომელიც ფიქსირებულია ელექტრონული ტენდერის (NAT230024923) სატენდერო დოკუმენტაციაში.

6. შესყიდვის ობიექტის მიღება-ჩაბარების წესი

6.1. შესყიდვის ობიექტის მიღება ფორმდება მიღება-ჩაბარების აქტით, რომელიც დასტურდება შემსყიდველისა და მიმწოდებლის მიერ შესაბამისი უფლებამოსილი წარმომადგენლების ხელმოწერებით.

6.2. ყოველი თვის ბოლოს მიმწოდებელმა უნდა წარმოადგინოს ფაქტიურად გაწეულ მომსახურებაზე ანგარიში. აღნიშნული ანგარიშის გათვალისწინებით და გაწეული მომსახურების ინსპექტირების საფუძველზე, ინსპექტირების ჯგუფი ამზადებს ინსპექტირების დასკვნას. დადებითი დასკვნის შემთხვევაში გაფორმდება მიღება-ჩაბარების აქტი.

6.3. შემსყიდველის მხრიდან 6.1. პუნქტში აღნიშნული უფლებამოსილი პირია საქართველოს მთავრობის ადმინისტრაციის ადმინისტრაციული დეპარტამენტის ლოჯისტიკისა და შრომის უსაფრთხოების სამმართველოს პირველი კატეგორიის უფროსი სპეციალისტი ელგუჯა სეხნიაშვილი, ხოლო მიმწოდებლის მხრიდან დირექტორი ან მის მიერ უფლებამოსილი პირი.

7. ანგარიშსწორების პირობები

7.1. მიმწოდებელთან ანგარიშსწორება განხორციელდება ეროვნულ ვალუტაში ლარში.

7.2. ხელშეკრულებით განსაზღვრული მომსახურების გაწევის ღირებულების ანაზღაურება მოხდება უნაღდო ანგარიშსწორების ფორმით.

7.3. ანგარიშსწორების განხორციელებისათვის მიმწოდებელმა უნდა წარმოადგინოს მიღება-ჩაბარების აქტი და საგადასახდო ანგარიშ-ფაქტურა.

7.4. ანგარიშსწორება შემსყიდველის მიერ მოხდება მიმწოდებლის მიერ ამ ხელშეკრულების 7.3. პუნქტით განსაზღვრული დოკუმენტაციის წარმოდგენიდან არაუგვიანეს 10 (ათი) სამუშაო დღის ვადაში.

7.5. დაფინანსების წყარო: 2024 წლის სახელმწიფო ბიუჯეტი.

8. მხარეთა უფლება-მოვალეობანი

8.1. შემსყიდველი ვალდებულია:

ა) მოახდინოს ანგარიშსწორება მიმწოდებელთან ხელშეკრულებით გათვალისწინებული პირობების შესაბამისად;

ბ) უზრუნველყოს შესყიდვის ობიექტის მიღება.

8.2. შემსყიდველს უფლება აქვს:

ა) შეამოწმოს შესყიდვის ობიექტის ხარისხისა და მოცულობის შესაბამისობა ხელშეკრულების პირობებთან და მის დანართებთან.

8.3. მიმწოდებელი ვალდებულია:

ა) მიაწოდოს შემსყიდველს ხარისხიანი შესყიდვის ობიექტი;

ბ) დაიცვას სატენდერო წინადადებით, ხელშეკრულებით და ხელშეკრულების დანართებით (დანართი N1) გათვალისწინებული ყველა პირობა;

გ) შემსყიდველს წარუდგინოს 7.3 პუნქტში მითითებული დოკუმენტაცია;

დ) ხელშეკრულების შესრულების პროცესში წამოჭრილ გაუთვალისწინებელ ხელშეშლელ გარემოებებთან დაკავშირებით, დაუყოვნებლივ გაუგზავნოს შემსყიდველს წერილობითი შეტყობინება შეფერხების ფაქტის, მისი შესაძლო ხანგრძლივობის და გამომწვევი მიზეზების შესახებ.

ე) წარმოქმნილი აუცილებლობიდან გამომდინარე მიმწოდებელი ვალდებულია გამოცხადდეს დაუყოვნებლივ, შეტყობინებიდან არაუგვიანეს 24 საათში.

ვ) შემსყიდველის მოთხოვნის შესაბამისად, საჭიროების შემთხვევაში, ჩაატაროს უწყვეტი დენის წყაროების სარემონტო-აღდგენითი სამუშაოები.

8.4. მიმწოდებელს უფლება აქვს:

მოსთხოვოს შემსყიდველს შესყიდვის ობიექტის ღირებულების ანაზღაურება ხელშეკრულებით გათვალისწინებული პირობებით.



9. მხარეთა პასუხისმგებლობა ხელშეკრულების დარღვევისას

9.1. სატენდერო წინადადების/ხელშეკრულების პირობების არაჯეროვანი/უხარისხო შესრულების შემთხვევაში, მიმწოდებელს ეკისრება პირგასამტეხლო ხელშეკრულების საერთო ღირებულების 2 %-ის ოდენობით.

9.2. მომსახურების ვადის დარღვევის შემთხვევაში, მიმწოდებელს ეკისრება პირგასამტეხლო ყოველ ვადაგადაცილებულ დღეზე ხელშეკრულების საერთო ღირებულების 0,4 %-ის ოდენობით.

9.3. მიმწოდებლის მხრიდან ხელშეკრულებით ნაკისრი ვალდებულებების შეუსრულებლობის შემთხვევაში, მიმწოდებელს ეკისრება პირგასამტეხლო ხელშეკრულების ღირებულების 5 %-ის ოდენობით.

10. ხელშეკრულების მოქმედების ვადა

10.1. ხელშეკრულების მოქმედების ვადა განისაზღვრება ხელშეკრულების ხელმოწერის დღიდან 2025 წლის 28 თებერვალმდე.

11. ხელშეკრულების პირობების გადასინჯვის შესაძლებლობა

11.1. ხელშეკრულების პირობების შეცვლა დაუშვებელია, თუ ამ ცვლილების შედეგად იზრდება ხელშეკრულების ჯამური ღირებულება ან უარესდება ხელშეკრულების პირობები შემსყიდველისათვის, გარდა საქართველოს სამოქალაქო კოდექსის 398-ე მუხლით დადგენილი შემთხვევებისა;

11.2. საქართველოს სამოქალაქო კოდექსის 398-ე მუხლით გათვალისწინებული პირობების დადგომის შემთხვევაში დაუშვებელია თავდაპირველად დადებული ხელშეკრულების ჯამური ღირებულების 10%-ზე მეტი ოდენობით გაზრდა.

12. დაუძლეველი ძალა (ფორს-მაჟორი)

12.1. მხარეები არ არიან პასუხისმგებელნი თავიანთი ვალდებულების სრულ ან ნაწილობრივ შეუსრულებლობაზე, თუ ეს შეუსრულებლობა გამოწვეულია ისეთი გარემოებებით, როგორიცაა წყალდიდობა, ხანძარი, მიწისძვრა და სხვა სტიქიური მოვლენები, აგრეთვე ომები და საომარი მოქმედებები, თუ ისინი უშუალო ზემოქმედებას ახდენენ ხელშეკრულების შესრულებაზე.

12.2. ხელშეკრულების შესრულების ვადა გადაიწევის შესაბამისი დროით, გარემოებათა დასრულების შემდეგ. თუ სახელშეკრულებო ვალდებულებების მთლიანი ან ნაწილობრივი შეუსრულებლობის პირობები გაგრძელდა სამ თვეზე მეტ ხანს, მხარეებს უფლება აქვთ შეწყვიტონ ხელშეკრულების მოქმედება, კომპენსაციის უფლების მოთხოვნის გარეშე.

12.3. მხარე, რომელსაც შეექმნა ფორს-მაჟორული გარემოება დაუყოვნებლივ აცნობებს ამის შესახებ მეორე მხარეს.

12.4. ფორს-მაჟორული გარემოების არსებობა დადასტურებული უნდა იყოს კომპეტენტური სახელმწიფო ორგანოს მიერ.

13. ხელშეკრულების ინსპექტირების პირობები

13.1. შემსყიდველი უფლებამოსილია შესყიდვის ობიექტის (მომსახურების) მიწოდების პარალელურად განახორციელოს შემოწმება, რომლის მიზანია მომსახურების შესაბამისობის დადგენა ხელშეკრულებით გათვალისწინებულ პირობებთან.

13.2. შემსყიდველის მხრიდან ხელშეკრულების შესრულების კონტროლს განახორციელებს საქართველოს მთავრობის ადმინისტრაციის ადმინისტრაციული დეპარტამენტის ლოჯისტიკისა და შრომის უსაფრთხოების სამმართველოს პირველი კატეგორიის უფროსი სპეციალისტი ელგუჯა სეხნიაშვილი.

13.3. ვიზუალური დათვალიერების დროს, ხელშეკრულების პირობების უხარისხოდ/ხარვეზებით შესრულების ფაქტის აღმოჩენის შემთხვევაში, შემსყიდველმა დაუყოვნებლივ წერილობით ან/და სატელეფონო შეტყობინებით უნდა აცნობოს მიმწოდებელს აღმოჩენილი ნაკლის შესახებ და მოითხოვოს მიმწოდებელის ხარჯით აღმოფხვრა.

13.4. გამოვლენილი დეფექტის ან ნაკლის აღმოფხვრასთან და ხელახალ ინსპექტირებასთან დაკავშირებული ხარჯების ანაზღაურება ეკისრება მიმწოდებელს საქართველოს კანონმდებლობით დადგენილი წესით.

14. ხელშეკრულების შეწყვეტა

14.1. შემსყიდველს შეუძლია მთლიანად ან ნაწილობრივ შეწყვიტოს ხელშეკრულება მიმწოდებელისათვის ვალდებულების შეუსრულებლობის ან არაჯეროვნად შესრულების შესახებ წერილობითი შეტყობინების გაგზავნის შემდეგ, თუ:

ა) მიმწოდებელს ხელშეკრულებით გათვალისწინებულ ვადებში არ შეუძლია მთლიანად ან ნაწილობრივ ხელშეკრულებით ნაკისრი ვალდებულების შესრულება.

ბ) მიმწოდებელს არ შეუძლია შეასრულოს ხელშეკრულებით გათვალისწინებული რომელიმე ვალდებულება.

ხელშეკრულების ცალკეული პირობების შეწყვეტა არ ათავისუფლებს მიმწოდებელს ხელშეკრულებით ნაკისრი სხვა ვალდებულების შესრულებისაგან.

14.2. შემსყიდველს შეუძლია მიიღოს გადაწყვეტილება ხელშეკრულების შეწყვეტის შესახებ აგრეთვე თუ შემსყიდველისათვის ცნობილი გახდა, რომ მისგან დამოუკიდებელი მიზეზების გამო მიმწოდებელი ვერ უზრუნველყოფს ხელშეკრულებით ნაკისრი ვალდებულების შესრულებას.

14.3. ურთიერთშეთანხმების საფუძველზე.

15. დავები და მათი გადაწყვეტის წესი

15.1. ხელშეკრულების შესრულებისას მხარეთა შორის წამოჭრილი დავები ან აზრთა სხვადასხვაობა შესაძლებელია გადაწყვეტილ იქნას ორივე მხარის ერთობლივი მოლაპარაკების საფუძველზე.

15.2. შეთანხმების მიუღწევლობის შემთხვევაში მხარეები მიმართავენ სასამართლოს კანონმდებლობის შესაბამისად.



16. სხვა პირობები

- 16.1. მხარეები აუნაზღაურებენ ერთმანეთს მიყენებულ ზარალს საქართველოს კანონმდებლობის შესაბამისად.
- 16.2. არც ერთ მხარეს არა აქვს უფლება გადასცეს მესამე პირს თავისი უფლებები და მოვალეობები, მეორე მხარის წერილობითი თანხმობის გარეშე.
- 16.3. მესამე პირთან ურთიერთობაში მხარეები მოქმედებენ თავიანთი სახელით, ხარჯებითა და რისკით.
- 16.4. ხელშეკრულება შედგენილია ქართულ ენაზე, ერთ ეგზემპლარად.
- 16.5. ხელშეკრულებასთან დაკავშირებული ნებისმიერი მიმოწერა შესრულებული უნდა იყოს ქართულ ენაზე.
- 16.6. ხელშეკრულების ნებისმიერი ცვლილება ან დამატება ძალაშია მხოლოდ მას შემდეგ, რაც ის იქნება წერილობითი ფორმით შედგენილი და ხელმოწერილი მხარეთა მიერ.

17. მხარეთა რეკვიზიტები

„შემსყიდველი“

საქართველოს მთავრობის ადმინისტრაცია

ქ. თბილისი, ინგოროყვას ქ. #7

სახელმწიფო ხაზინა

ს/კ 204454198

საქართველოს მთავრობის ადმინისტრაციის უფროსი



„მიმწოდებელი“

შპს „ორიენტ ლოჯიკ“

ქ. თბილისი, ვასო გომიაშვილის ქუჩა, N71

სს „ბაზის ბანკი“

CBASGE22

ს/კ 202052054

ა/ა GE96 BS00 0000 0005 9368 72

დირექტორი

/ვაჟა ნასყიდაშვილი/

დანართი N1					
N	პროდუქტი/სერვისი	სპეციფიკაცია	პერიოდი	ერთი თვის მომსახურების ფასი	ჯამური ფასი
1	3 ერთეული უწყვეტი კვების წყაროს მომსახურება	RIELLO UPS MST-125 გეგმიური ტექ მომსახურება	4	2470	9880
	სულ ჯამი:				9880

ORIENT
LOGIC LLC
 Digitally signed by
 ORIENT LOGIC LLC
 Date: 2023.12.13
 17:00:49 +04'00'

ინტერესთა კონფლიქტის თავიდან აცილების მიზნით, საქართველოს კანონის "სახელმწიფო შესყიდვების შესახებ" მე-8 მუხლს "ინტერესთა კონფლიქტის თავიდან აცილების პირობები" ვადასტურებთ, რომ საქართველოს მთავრობის ადმინისტრაციის თანამშრომლები ამ ხელშეკრულებით წარმოდგენილ მიმწოდებელთან ინტერესთა კონფლიქტში არ ვიმყოფებით, გავცანით და ვეთანხმებით ხელშეკრულების პირობებს რასაც ვადასტურებთ ხელისმოწერით:

საქართველოს მთავრობის ადმინისტრაციის უფროსი

რევაზ ჯაველიძე




ადმინისტრაციული დეპარტამენტი

ივანე ჯავახიშვილი




სამართლებრივი უზრუნველყოფის სამმართველო

ზაზა თაქთაქიშვილი



შესყიდვების სამსახური

მედეა მიქაძაძე



საფინანსო სამმართველო

ზურაბ წითლაური



ლოჯისტიკისა და შრომის უსაფრთხოების სამმართველო

ელგუჯა სეხნიაშვილი

